

東
海
漁
歌

天游閣集

東海漁歌三

太清春著

鷓鴣天

元日詠薺菜用去年薺菜韵

鮮薺登盤乍吐花
嫩苗爭長做春簪
已知草色迎年綠
略有新黃發柳芽
山之蹕水之涯
風絲日影煖相加
歲朝圖上應添寫
小白微青最可誇

玉連環影

元日解九連環

連絡箇箇環相約
解得開時木自無
纏綿繫連環解連

環一笑人間萬事理皆然

琴調相思引

題百福老人藍筆畫蘭

同心芳草澹青鉤
艷過春花冷過秋
翰林學士畫意本
清幽
神品
倩人題好句
生綃尚有脂香
留老人名字
千古足風流

滿江紅

人日觀音院餞雲姜南歸

歸去來兮怕君去
少留君坐說不盡離愁
彼此淚隨聲
墮野店長途當自愛
脂車秣馬須親課
報平安兩字寄

書頻君休情 新年事匆匆過冰初解東風大隔江關
千里相思無那今日分襟何日見觀音不管人此箇曉
一聲珍重去難留傷心我

風入松

春燈次 夫子勸二首

沿河新草綠堪挑花柳漸開色六鰲海上凌風至獻明
珠火樹蟠桃十里朱闌盡閣滿天月望星輶 太平樂
事慶清朝結伴走天橋鈿車游馬笙歌隊望青帘春酒
新燒紅燭綠街引路浮圓到處元宵

華堂春暖設春筵燈彩月華天上元南極開芳宴宴草

仙香裊雲盤彩服
宸前兒女韶裘門下衣冠
春王寶錄註延年松栢
豈云殘喜君與我生同歲
祝三多樂勝從前好景
何如今夕新詩載入芸編

十六日大子
誕日

醉紅粧

自題海棠搗扇贈雲林

未欣欣兮春向紫
試新粧出華清宿醒未解
尚憐嬌無那盡擱
凭碎紅滴露染猩猩
昨宵雨曉寒輕特為
玉樓人作盡三五朵一枝橫

鵲橋仙

雲林囑題閨七夕聯吟圖

新秋逢閏鵲橋重駕兩度人間乞巧闌干斜轉玉繩低
問乞得天機多少閨中女伴天遣佳會多事紛紛祈
禱神仙之說本虛無便是有也應年老

浪淘沙

正月廿七聞雁憶雲姜

別後計行郵將到揚州相思一日似三秋惻然雁行天
上字字字離愁迴首憶春游花底勾留奈何歲月大
悠悠數至海棠開日近不見歸舟

金縷曲

自題聽雪小照

几對殘燈讀曉窓前蕭蕭一片寒聲敲竹坐到夜深風
更緊壁暗燈花如寂覺翠袖衣單生粟自起鉤簾看夜
色壓梅梢萬點臨流玉飛雪急鳴高屋亂雲黯黯迷
空谷擁蒼茫冰花冷蕊不分林麓多少詩情頻在耳花
氣薰人芬馥特寫入生綃橫幅宜為平生偏愛雪為人
間留取真眉目闌干曲立幽獨

一剪梅

聞雲姜渡河信

聞道行程已渡黃江北淮南時雨浪浪錦書春信速相
將嗟我懷人與彼同行兩畔青山客夢長千里之思

一日難忘綠楊城郭近雷塘所謂伊人在水一方

杏花天

同游南谷雲林妹曉返悵然賦此

倚樓目送人歸去望不盡杏花深處香車轉過山前路
苦被垂楊遮住方七日唱予和汝匆匆返去而不顧
雖云小別愁難訴彼此相思情互

更漏子

憶雲林

雨絲絲風細細盡是消魂滋味風細細雨絲絲相思十
二時我憶君君憶我兩意一無不可君憶我我憶君

愁腸似轉輪

柳烟柔花影細誰解箇中滋味亂愁緒萬千絲春光能
幾時奈何君惆悵我有甚云為不可惆悵我奈何君
流年快似輪

乳燕飛

輓許金橋姪呈珊妓嫂

日暮忽聞訃慕傳來金橋厭世痛心驚仆三日云何成
長往莫是庸醫耽誤廿八歲摧殘玉樹母老家貧情特
慘況安人年少嬌兒孺傷心事竟難訴華歆陋巷安
其素最難忘音容笑貌翩翩風度斷簡殘篇零落散渺

渺錢塘歸路何日暮半山墳墓哭不成聲心已醉
曉斯人未盡斯人苦推當作招魂賦

許氏先塋在杭州半山

如夢令

送春

昨日送春歸了枝上殘紅漸少簾外綠陰多
滿地落花誰掃休掃休掃一任東風吹老

伊州三臺

題雲林扇頭彈琴仕女

西風吹入梧桐半捲珠簾露濃獨坐月明中正閒
階幾聲暗蟲人間天上情蹤泛以冰絲細通一曲
特愁儂

江城子

題孫子勤西溪紀游圖

西溪溪水拍長天
放游船足留連
一片蘆花飛雪滿前
灘仙侶同舟歸去晚
夕陽下起寒烟
寒流欲上白雲間
小橋連浪花圓
只有忘機鷗鷺對人閒
回首茅簷紅葉裏
僧送客倚欄杆

菩薩蠻

端午日詠盆中菊

薰風殿閣櫻桃節
碧紗窻下沉檀燕
小扇引微涼
悠悠夏日長
野人知趣甚
不向炎涼問老圃
好栽培菊

五月間

欄杆萬里心

聽雨憶雲林

窻前新種綠芭蕉
夜雨聲聲枕上敲
困不成眠轉寂寥
耐清宵有美人兮不可招

琴調相思引

雲林妹兄贈雁足書燈以小令申謝

雁字分飛思不禁
聽風聽雨夢難尋
露華庭院燈影照
清心贈我不須長
夜飲感君聊賦短
檠吟熒熒一點
應惜寸光陰

鵲橋仙

題孫松岑聞音脩篁園

許雲林少君

琅玕一經瑤琴三弄人在清涼極處蕭蕭時作雨風聲
倚怪石蒼苔珠樹雲中仙鶴花間雛鳳萬里丹山平
步更邀明月照幽篁消受了滿身香霧

賀新涼

夏日余李瑛招飲綠淨山房作

小宴神仙宅坐蒼苔迴廊曲折高槐如幃海上蒹葭枝
頭香玉斗香斟雲液愛雪藕冰盃清潔卜築山房成大
隱美主人瀟灑能留客盡一日花間酌地偏心遠無

塵迹倒清蟬羣賢咸集騁懷游日西下夕陽雲乍起一
霎電雷交作风過處新涼如沐雨後沿階芳草色映冰
綃霧縠衣裳碧歸未晚不須燭

意難忘

自題梅竹雙清圖

一徑幽香傍綺綺竹疎影傍徨橫斜深院宇冷艷小
池塘纔雪復乍芬芳儘無語持觴向夜闌巡檐索句特
費思量相思難話衷腸想佳人空谷一樣情傷簾櫳
燈黯澹離落月介黃多少事意難忘似不自禁當更怕
他新愁舊夢虛度年光

碧芙蓉

雨後由三官廟同雲林級蘭過尺五莊看荷花
作

一帶小紅橋同倚畫欄池面荷靦貼蘆梢立蜻蛚不
定新雨過瑤珠萬點蕩流霞妙蓮香冷聽垂楊岸幾樹
鳴蟬催起游人興虛亭縈曲沼望不盡綠萍千柄隔
水盈盈似美人臨鏡雪冰藕涼生羅袂泛清鐸風吹酒
醒斷雲殘照漸花外天光向暝

南柯子

詠杏串效唐人體

寶串垂襟賴溫香著體柔青絲貫取意綢繆只要心心
相應總無愁步月難尋夢臨風怕倚樓江皋玉佩為
誰留又惹一番牽挂在心頭

浪淘沙

送珊枝歸武林

歸計太匆匆難寫哀衷孤帆雙槳趁秋風腸斷天涯從
此去無日重逢相別各西東浪跡萍蹤憐君多病況
龍鍾一紙音書脫有便頻倩征鴻

伊州三臺

七夕夜雨次日立秋戲題

秋聲先到芭蕉階下秋蟲細號生受鵲填橋渡銀河夜
涼路遙洗車絲雨飄蕭冷落星娥翠奩雲氣濕輕綃
願來年莫同者遭

迷神引

題徐廷昆畫

疊疊銀濤翻雪浪黯黯冷雲飛漲垂藤古木石壁高無
量望蓬萊三山遠長風蕩日月雙丸小來復往天地渺
無涯窮空曠忽有仙舟一葉來波放有鬢眉纖霞裾
敝滿盤花果玉瓶貯蒲桃饌是廣寒宮霓裳舞月中樣
白兔守筠籠隨竹舫猿子采蟠桃親呈上

江城梅花引

雨中接雲信

故人千里寄書來，快些開，慢些開，不知書中安否，費幾
猜別後炎涼，時序改，江南北，動離愁，自徘徊，徘徊徘徊
湘渺千懷，天一涯，水一涯，夢也夢也，夢不見，當日裙釵
誰念西風翹首寸心灰，明歲君歸重見我，應不似別離
時舊形骸

步虛詞

中秋

玉剪燕歸秋社木犀香浸雲屏連陰初霽月華清
惺然

碧天風動 細露涼生 池閣流雲暗度 仙京羽衣絨指
學吹笙不許人間偷聽

燕歸梁

自題畫杏

得意東風快馬蹄 細柳沙隄幾枝豐艷 照清溪垂楊外
小橋西 寫來還恐神難似肥和瘦要相宜 明窗下倩
君題聊記取舊遊時

風入松

題王叔明聽松圖

亂山深處有人家 細路欹斜 長松萬樹 圍茅屋 聳寒清

天際青霞曲澗平鋪略約飛泉高挂檐牙
幽人肥遁
厭煩譁雲木生涯携筇來有談經客露疎窗蕭瑟周迴
陋室居之何陋蒲堂金玉無加

凌波曲

孫娛如女士囑題吹笛仕女團扇

西風露零高樓笛聲無端吹起離情落梧桐葉輕
更四更雲窗未扃小蟾斜影分明挂闌干正平
三

東風齊著力

水波得平字

燕子來時巡塘向暖野水烟生剛勝弱絮初從落花輕

漫漫垂楊曲。沿繞添了幾點浮萍。魚苗長。生機浩蕩。恰
起新晴。霧縠太輕盈。波細細。參差碧浪。縱橫。還天倒
影。渺渺動柔清。好是東風消息。吹不定。似皺還平。天涯
路一萬新漲。萬里春程。

廣寒秋

九月十九過天仙庵同福真老尼茶話

禪房寂靜。蒼苔濃厚。冷澹斜陽陰裏。去年曾到。又重來
正山經。黃花開矣。冷風輕颺。旃檀香。露悅可。衆心歡
喜。一杯清茗。話西窗。漸薄暮。鐘聲初起。

金縷曲

送叔蘭妹往大梁

三載交情重，竟難留。買舟南去，北風初動，行李蕭蕭。
天氣冷落，葉黃花相送，正河水冰漸將凍。滿載異書千萬
卷，有師冰小印，隨粧籠。千里路，全家共，年來送客愁。
相送要相逢，都門汴水，與君同夢。此後平安書，頻寄慰。
我愁懷，種種灑清淚，離觴互捧。聚散未來，無定數。古陽關
不忍當筵弄。金縷曲，為君誦。
正月月初七送雲長歸揚州
七月初五送岫往歸武林

傳言玉女

雪夜不寐

一夜風威燈暈疎，曉微照雪母屏風。護羅幃，寒峭黃花

影裏數盡更籌多少
新愁舊悶竟難忘了
多病何堪
紛緒亂縈懷
把茶鐺藥裏
照輕烟香杳
後枝瘦骨願影
翻然成笑
將仙有夢也成顛倒

浣溪沙

將仙體用遙知楊柳是門處
似隔芙蓉無路通
成此小令二闕

碧落蓮花秋水斜
朱門深被綠楊遮
隔溪聽盡晚蟬譁
無可奈何人
悵望難通消息
拋交加能忘情者是仙

家

開偏芙蓉葉葉涼
天成錦障護銀塘
伊人宛在水中央

十二闌干人不見三千世界路何長
空教秋雨洗紅粧

祝英臺近

潭柘龍潭用吳夢窗韻

古松陰幽澗底流水漱山股紅葉寒烟飛鳥自來去蒼
茫草界羊蹤霜封樵徑石頭滑與夫相語酌清以享
林瑟瑟風吹陰厓望堆素縹緲峯頭指點過來路平臨
佛剎巍峩鐘聲初起梵音散諸天花雨

菩薩蠻

西觀音洞

朝陽初上岩頭樹
清晨步入蟲叢路
雲隱小紅牆
鐘聲發上方
高碑書故事
苔蘚侵碑字
大士坐蓮臺
蓮花何處開

碑記初為蓮池今已無

東觀音洞

斜陽乍轉夕陰結
觀音古洞寒泉冽
黃葉擁禪關
山僧終日閒
石橋通曲徑
樹杪棲烏定
修竹暗森森
悠然淨客心

西峯寺

羅睺嶺下蒼烟織
亂雲深谷披荆棘
紅葉被山阿
寒林廢塔多
寺門殘照裏
古洞餘荒址
殿角秀長春
花開

日月新

登石景山天空寺望渾河

渾河東岬孤峯起崔巍絕頂浮圖峙陡闢四天門天空
祇樹園登高同策馬陟彼尋蘭若航渡俯長榴霜華
曉未消

廣寒秋

題慈相上人竹林晏坐小照

琅玕陰裏是心清
淨晏坐了無餘說
曉花凋草任風吹
更不許紛紛競舌
西方何處長安道
遠且向者邊休
歇掃除一切性
光圓本來法
無生無滅

浪淘沙慢

久不接雲姜信用柳耆卿韻

又盼到冬深不見故人消息况當雪後幾枝寒梅綠萼
如滴對暗香疎影思佳客細思量兩地相思怕夢裏行
蹤無準各自都成悲戚無極九迴柔腸十分幽怨不
啻海角天涯難寄傷心淚雖暫成小別也勞心力回首
當初在衆香國裏花同惜最無端寒來普往天天使人
踈隔問何時共倚闌干曲坐西窗剪燭十言與萬語叨
叨不盡說從前相憶

題湘佩鴻雪樓詞選

雪泥鴻爪舊遊蹤
南北任飄蓬
花簾昔有吟詩侶
胡吳嶺香

士女喜天游
邂逅初逢彩筆一
支新詩千首名
重瀾西東

哀而不怨
從容珠玉
若璫璫
駕鶴繡了從君省度

金鍼減盡裁餘大塊文章
清奇格調不減古人風

天游閣集

東海漁歌四

雲槎外史太清春著

蟾宮曲

立春

暢晴和好是今朝
律轉青陽冶葉昌
條暖入屠蘇宜春
剪字彩勝雲翹
碧瑠璃房櫳日高
繡簾兒東風細飄
臘雪全消春到人
間柳寵花嬌

伊州三臺

猗蘭曲

蘭兮生自空山
流出幽香世間清
露潤芳顏載離騷
美

人一班 休誇霧鬢烟鬟不與羣花並
看特把小名傳
數芬芳算伊占先

醉太平

題蓉桂雙白頭圖

金風素秋露華暗浮天光夜色悠悠
桂涼蟾一鉤笑
蓉太柔木犀更幽白頭同宿枝頭
笑鴛鴦逐流

風光好

春日

好風光漸天長正月游蜂出蜜房
為人忙
探春最是
沿河好烟絲裊誰把柔條染嫩黃
大文章

浪淘沙

登香山望昆明湖

碧瓦指離宮樓閣飛紫雲有艸色有無中最是一年春
好處烟柳空濛湖水自流東橋影垂虹三山亦氣為
誰鍾武帝旌旗都不見感世難逢

貂裘換酒

題扇頭雜詩茅店月人跡板橋霜

颯颯西風冷挂林梢微茫月破雞疎影已被雞聲催
人起落落溪橋幽徑舞黃葉隨風不定店舍無烟關山
遠漸輪蹄驚動樓烏醒襟袖裂曉寒勁新霜路滑鞭敲

銓板橋頭蕭蕭寒溜明星尚炯指點前村依稀見野火
孤燈相盼望不盡魚天耿耿一片朝霞烘遠樹湧陽光
宿草霜華淨名利客為誰倩

壽樓春

暮春

吁嗟乎春歸奈匆匆不住輕送芳菲幾處園林池館落
紅霏霏無意緒裁春衣想去年百花開時記剪燭山樓
看花古寺迴首夢依稀誰能禁東風吹倚欄杆幾曲
心與時違又是楊花糝徃海棠垂絲春已去人如斯更
不禁幽思空悲對芳艸深庭簾櫳未垂雙燕飛

南鄉子

雲林招迨三官廟者海棠不果行用來韵答之

正好看花天漠漠輕陰颺柳烟最是海棠嬌太甚
翻半要人憐半自憐風信莫狂顛艷色能留幾日鮮
分付封姨休掃却飛仙似帶餘醒晚更妍

嫩葉小玲瓏十二欄杆點幾重不是不知春已去隨風
且向枝頭逗艷紅花氣窺房櫳芳意慙慙睡思濃倦
態倩誰扶欲起微涼和雨和煙入畫中

首夏半晴天曲水無由繫畫船恨不共君同一醉如泉
飽聽飛璫綠綺絃雲林善琴人事不清閒再到花時又

一年佳會自應多
韻事相連遇莫紅粧綠柳邊
野卉雜黃藍
菜圃青青生意酣
蝶繞疎籬蜂逐絮
參差近水新泥燕子唧
樂事記城南
古寺花光客意酒暫
借村醪供宴賞
惜人倚微風薄杏衫

定風波

雨中海棠

曉起庭除積落花
亂紅和雨受風斜
惟許荼蘼同一夢
相共飄零殘粉卸韶華
滿樹輕陰垂綠綬
刺有翩翩影
護糖牙切莫東風盡吹落
斟酌枝頭紅萼暫留些

江城子

落花

花開花落一年中，惜殘紅怨東風惱。然紛紛如雪撲簾櫳，坐對飛花花事了。春又去太匆匆，惜花有恨與誰同。曉粧慵，特愁偎燕子來時，紅雨已濛濛。倚偏欄，杆難遣興無端，底是游蜂。

春去也

飛絮

春去也，點點舞楊花，落湘沾茵無定準。任教風送到天涯，涯無賴是年華。

雪夜漁舟

題廟宗萬雪渡圖

北風緊狂雪壓羣山六花成陣水面凝烟蘆梢敲玉敗
葉亂隨風墮溪山彈粉掩映出短籬疎隄樹鵝鶩起彌
漫剗舍板橋難認凍雲飛不盡望長空一色水天勾
引喚渡紛紛披蓑戴笠銀海冷光生帶去程遠近好社
取晚來風順輕橈快漿船頭船尾大家安穩

並帶芙蓉

題蔣南沙相國畫並帶蓮花

水淨風疎照碧天倒影花間無暑清露洗紅粧愛金蕊
交錯同心並頭兩朵得得分明若相與結成伴侶託微

波占新風流嬌嫵
渺渺曲塘落日問何來小鳥雙棲
雙佇不肯畫鴛鴦怕花裏耽誤蓮花自然潔淨那管根
芽淋泥汙者般態灰願生生總問一處

醜奴兒

花桶製自阮雲臺相國裁老竹不拘長短穴其
半以木節為底節節貯水皆可挿花或掛牆隅
或排比為屏最佳者惟芍藥洋菊五色菊爛熳
若明霞特以小詞紀之

虛心直節為桶野卉奇葩排比
杖材離合神光架若霞
銅脈玉盤何須論青綠交加縷篆雕花長短隨心

不及他

金縷曲

戲述嬾

曉起梳勻嬾覺年來一身多病神思困短誰奈胭脂塗
雙頰寶鏡芒盞慵展更不奈宮葉細館閒却描花新樣
子度金鍼怕引絲絲絃薔薇露不須盪研池積水生
苔蘚仕憲前花花葉葉隨風飄卷開卷難成終卷讀斷
閑無心照管又不是春醒醉酒弱不勝衣苦骨立繡羅
襦但覺腰圍緩嬾之病最難遣

金縷曲

雲臺相國以宋本趙氏金石錄囑題

日基來青島啟芸囊紙光如研香雲縹緲易安夫妻潛
好古彛鼎商彝細攷聚絕世人間奇寶太息兵荒零落
散剩殘編幾卷當年葉前人物後人保雲臺相國親
揆校押紅泥重重小印篇篇玉藻南渡君臣荒唐甚誰
寫亂離懷抱遺恨訛言顛倒賴有先生為昭雪算生
年特記伊人老千古葉乎翻了一相傳易安改通張汝舟
辨之最詳

惜花春起早

木意

曉禽鳴透紗窗照照澹澹花影小樓昨宵聽盡夜雨為
著花事驚醒千紅萬紫生怕他隨風不定便匆匆自啟
繡簾看尋偏芳徑階前細草淡茸承宿露涓涓香土
微渾今菴為花起早更不惜縷金鞋冷雕欄畫檻歸去
來閒庭幽靜賣花聲趁東風恰恰催人臨鏡

愛月夜眠遲

本意

樹影朦朧望小蟾乍湧人立桐陰外根蟲語沾衣露下
雙雙睡穩胎禽芭蕉掩却紅燈天街夜色深沈又誰家
一聲聲不住敲動寒砧當此月滿風微把冰絲再鼓

譜入瑤琴井欄杆外閃閃不定螢火幾點難尋清輝暗
轉花稍良宵一刻千金想嫦娥也如我愛月不顧更深

陽臺路

賦得手倦拋書午夢長效柳耆卿體並次其韵
未天晚耐困人畫永詩書拋亂掩紗厨隨几南窗神逐
水沉香遠逆漏丁丁一枕夢遊柳絮花暖曾經舊路
覓桃源前度人散 悵望碧溪流水好夢醒難挂倦眼
細思量處又惹下暗愁無限人何在風裳水佩剩有綠
陰幽館無端鳥語驚翅從何消遣

南鄉子

雲林囑題蕉籠美人圖

窗外雪昏昏人倚薰籠畫掩門寒慙重衾眠不起
氤氳一瓣心香誰與焚寫出畫中身淺黛愁含顰宿痕彷彿
思量多少事消魂何處行雲夢不真

喝火令

已亥驚蟄後一日雪中訪雲林歸途雪已深矣
道題小詞書于燈下

久別情尤熱交深語更繁故人留我飲芳罇已到推樓
時候窗影漸黃昏拂面東風冷漫天春雪舞醉歸不
怕開城門一路琉璃一路沒車痕一路遠山近樹粧點

玉乾坤

柳梢青

題寒月疎梅圖

老幹橫斜一枝初放低護
檐牙雪後黃昏吹來何處
怨笛哀茄冰姿不共几
飽照流水清心自誇冷澹
花光
朦朧月影深院誰家

西子粧

三月十三邀余季英吳益芬錢伯芳陳素安諸
姊妹小集紅雨軒看海棠用吳夢窗韻

風信幾番半春過了
絳雲吹成香霧
侍看草色入簾青

敲疎牕小軒花鴈東風慢舞更分付留春且住願年年
到花開時候良朋如許休輕誤有限韶華不許匆匆
去蓬門花輕為君開隔春陰海棠盈樹拈題索句莫辜
負陽春同賦最關心萬點飄風落雨

南鄉子

惜花詞

一夜妒花風吹過闌干第幾重何事封姨情太薄匆匆
零落深叢與淺叢春冷逼房櫺曉起開簾掃落紅風
勢未停天又雨濛濛霧捲飛花小院中

江神子

聽項屏山妙絃彈

許道生少
宰夫人

畫堂春暖日光晴
坐深庭泛瑤觥
一曲仙音許我醉中
聽雖是初逢如舊識
言不盡話平生
落花風度水雲
聲韻泠泠時分明
真箇九皋長唳近
虛靈聽到曲終人
語靜霍然使寸心清

琴名
有鳴

沁園春

將常氏廢園用竹葉庵遊孔氏廢園韻

觸目荒涼曲徑迴廊粉壁頽堦
見畫棟粗榘紅窗踈欹
長楸修竹綠葉婆娑滿地濃陰
一聲啼鳥倚木森森繞
薜蘿堆玲瓏石奇峯怪岫幾朵青螺
風流此地經過

剩玩月荒臺照素娥想當日繁華如今休矣一朝散盡
妙舞輕歌珠履金釵香消燭熄過客空增感慨多風來
處聽檐鈴敲動猶似鳴珂

淒涼犯

詠殘荷用姜白石韻

社中課題

斜陽巷陌西風起池塘一帶蕭索露倚半垂雨欺平倒
畫闌斜角風情最惡更不奈涼蟾影薄况飛飛社燕將
歸鴻影度沙漠迴憶情何限遊月傳歌對花行樂無端
青女暗行霜舞衣催落苦意清心尚留得餘香細著待
同聽剪燭西窗訂後約

金縷曲

題桃園記傳奇

細語桃園記。灑桃花斑斑點點。染成紅淚。欲借東風吹
不去。難寄相思兩字。偏十二闌干空倚。冰雪肌膚人如
畫。繞情絲。覺損春山翠。仙家事也如此。變風持月。因
誰起。總無非心心相感。情情不已。南海觀音慈悲甚。送
出慈航一葦。渡仙女仙郎。雙美記。取盟言。桃花下。問三
生石上誰安置。得意處。莫沈醉。

茶瓶兒

病中謝友人贈茶

病卧閒愁如織悶無聊小度人寂倦梳櫛裏渾無力恰
寄到火前新葉慰消渴情兒特泛清芬者般顏色微
黃嫩碧香生頰暈一縷淡烟禪榻

水調歌頭

中秋獨酌用東坡韵

雲淨月如洗風露湛青天不知今夕何夕陳事憶當年
多少銷魂滋味多少飄零踪跡頓覺此心寒何日謝塵
果肥遯水雲間沃愁腸澆濁酒枕墨眠任他素魄廣
寒清影自團圓誰管秋蟲春燕畢竟人生如寄各自得
天全且盡盃中物翹首對婵娟

金風玉露相逢四

中秋後一日同雲林湘佩家 仙雨中遊八寶

山晚晴次湘佩韻

寒烟冑樹涼風吹而雲外尖峰屏列相期不負雨中游
恍若是山陰冑雪 東窗望遠西窗望遠一片秋光清
絕敲詩把酒晚晴初卧夕照殘碑斷碣

高山流水

聽禁社中課題

七條絃上寫柔情一絲絲彈動秋聲風拍小簾櫳花陰
恰有人聽芭蕉影隔住紅燈分明是流水高山絕調憂

玉敲冰是幽蘭製佩腕底散芳馨
泠泠虛空度鴻雁
寒浦外水淨沙平何處怨蒼梧送落葉舞風輕掩朱帷
拍綏絃停夜深也還怕纖纖素指錯點明星默無言恍
若江上款峯青

風入松

買菊

滿城風雨近重陽昨夜見微霜含苞細認玲瓏葉記住
名各邑蒼茫出水芙蓉玉肩落紅萬點霓裳
蕭條古
寺積寒芳不論價低昂買歸自向疎籬種伴園蔬平占
秋光或有白衣送酒且拚一醉花傍

瑤華

代許真生六兄題海棠庵填詞圖

閒度日暮絳雪霏香遠海棠無數苔痕草色自有個人
在花深深處故燒高燭照春睡烏闌親譜新波雙對酌
宮商付與雙葉低度紅芳緩拍新聲正料峭微寒花
影當戶搖酥滴粉還又怕簾外柳梢鶯妒春陰乍滿却
不是聽風聽雨攪風流小樣迎陵一縷茶烟輕護

糖多令

十月十日屏山姊月下使蒼頭送隸一袋以飼
褚遂成小令申謝

風起又黃昏
鴉棲靜不喧
拍幽窗霜葉翻翻
把卷挑燈
人未睡酌盃酒默無言
明月滿前軒
天高夜色寒有
蒼頭待月敲門
一棹槽櫓情不淺
感君贈養肥豚

踏莎行

夢次屏山韻

幻影浮泡原無憑
據個中變化紛如縷
也生歡喜也生
愁其間似有通神處
念切情真千頭萬緒
相連未準
飄然去輕如蝴蝶
膩如雲寒衾不耐天明雨

前調

恨次屏山韻

黛淺環鬟欲消無價者般滋味因誰惹春銷風靜月明
時更添一倍新愁也拍偏闌干立來花下怕春歸去
催花謝待安排處費安排旁人錯解成閒話

鵲橋仙

牽牛社中課題

然然柔蔓層層密葉綵鎖柴門小院朦朧殘月掛林梢
早已是牽牛開滿一天涼露半顰疎影縹緲銀河斜
轉紅旂名字到天星任織女相思不管

塞上秋

雁來紅社中課題

惱人最是西風
斷腸腸盡歸鴻
誰把胭脂畫工
者般調弄
染成芳草嬌紅

踏莎行

遣悶

臘盡春迴歲華虛度
隨緣隨分行其素非非
是是混行
莊北橋且進黃公陸
偶爾拈毫曲成自傾
唾壺擊碎
愁難賦敢將淪落怨天公
虛名多為文章誤

前調

老境蹉跎寄懷章句
潛身作個蠅研蟲
自憐多病故人
疎消息
愁腸有中山虎
每到思量熱心如狂
問天畢竟

何分付但求無事是安居成仙成佛何須慕

天游閣集

東海漁歌五

太清春著

黃鶴引

輓白雲觀主張坤鶴老人

寥天宗洞鶴駕雲軒衆仙拱五千文字功夫元珠流動
疑神接踵不比尋常鉛汞七十年算是遊戲人間一夢
從此謝凡塵大藥存真種鍊成冰雪肌膚馴龍調鳳
道高德重寶籙丹書親奉一朝歸去御萬里長風相送

王燭新

咏白海棠案用周清真韻

社中課題

初晴新雨後乍洗褪胭脂縞衣粧就東風倦倚慙慙態
不管敲殘更漏娛寒天氣正睡穩烏衣時候深夜靜銀
燭高燒微香暗侵襟袖盈盈一點芳心占多少春光
問卿知否紅粧莫鬥誰得似淨骨天然清瘦神娟韻秀
雅稱個花仙為首選要倩流水高山花前慢奏

舞春風

詠花櫺并序

窗外葡萄纔生嫋葉多為鳥雀銜去思之無計到兒
用五色帛翦成細縷以竹枝懸之架上隨風飄颺頗
有意趣亦可全果之生亦可觀兒之智喜而譜此小

令

翦帛裁成五色旛枝頭高掛舞翩翩繞過穀雨看花日
恰好東風結果天嫩蕊更須人護惜柔條為怕鳥銜
殘倚闌細玩生生理可喜嬌兒善保全

水調歌頭

湘佩屬題清惠堂遺印詩

香火歲時祭湖水似臣心清流不斷千年姓字列東林
未了生前遺憾豈是先生力薄無計破羣陰固有浩然
氣天地是知音二百載方寸石竟難沈人間萬事憂
喜得失古猶今天道好還之理舊物完璞不損四字抵

千金永錫子孫福世守此規箴

鶯啼序

雨中送春用吳夢窗韻

三春又輕過了。歎韶華似水，畫闌外。幾樹飛花，可憐賸有殘葉，便是果成時已過。飄零艷色，隨風墜曉，嬌鶯聲細悽悽，似有愁思。天也無情，迅如過羽，宿雕梁燕子，尚能記當日。雙棲故巢，收拾又至將窺人新愁。舊恨瀉珠淚，偷彈纖指，怕匆匆花與春歸，又生涼意。陳踪舊跡，悶悶愁愁，盡釀成夢寐。吹柳絮，絲綿不定，灊竊微雨，埽盡殘紅，落花如淚。豈因病酒愁寬，夢窄誰能情取新。

來屢試春衣頗覺身憔悴嬌容易減翩翩蛺蝶探芳往
來海棠陰裏階前綠滿瑣瑣遊蜂也惜紅萼翠悵昔
日花間游憩覽勝登臨拾葉拈花不堪題起萍飄浪泊
難追歡事東風門巷春已去總餘香空向闌干倚如今
檢點新詞為餞花魂淚盈素紙

古春慢

題竹溪老人墨牡丹畫冊

紙光墨彩神韻如生當日親寫慢展遺篇尚有腊香未
化重見古精神恍疑是瑤池摘下洗鉛華掃盡俗態澹
粧別樣嫺雅想當日公餘之暇收拾名花香遠庭榭

筆墨消閒豈為世間聲價開戶守圖書性高尚交遊亦寡有賢郎繼家學篆書堪亞

金縷曲

題蒲察夫人閨塾十字文

宋室建林先生淑配

肅肅金閨珍古蒲察巍巍令族聲名久遠彤管一枝水
內則不寫春愁秋怨更不假花鍼柳線十字文章傳千
古又何勞列女紛紛傳風人古真堪羨鷗波故事今
重見幾生中雙修福慧才人淑媛繡虎雕龍天付弄好
是明珠一串能使我讀之不倦俚句勉題容附翼忝同
宗何故相知晚何日欲會君面

醉翁操

題雲林湖月沁琴圖小照

悠然長天澄淵渺湖烟無遠清輝粦粦兮嬋娟有美人
兮飛仙悄無言攘袖促鳴絃照垂楊素蟾影偏羨若
志在流水高山問若此際心共山閒水閒雲自行而天
寬月自明而露溥新聲和且圓輕微徐徐彈法曲散人
間月明風靜秋夜寒

雪獅兒

雪窗慢成

低帷伏枕重衾戀卧疎窗清曉蠟淚盈盈小盞菊花香

老鳥驚樹杪問昨夜寒添多少起來看階前欄外亂瓊
紛繞 囑付雙鬟莫埽愛天然作就畫材詩料袖手無
言會處翻然成笑半生潦倒拚一醉消除懷抱憑誰告
託向美人芳草

秋波媚

夜坐

自笑當年費苦吟陳跡夢難尋幾卷詩篇幾張畫稿幾
許光陰 唾壺擊碎頻搔首磨滅舊胸襟而今贏得千
絲眼淚一個愁心

金縷曲

上定郡王筠鄭主人

人世誠難判，歎英雄未完。風志天何草草，母子孤嫺無
人問。誰許王孫哀告，空搔首難舒懷抱可也。九泉能念
我掩啼痕，獨向風前，悼寫不盡招魂稿。沈憂損性成
顛倒，感清天一外，霹靂陰霾都掃。拯救生民，稍援十泛
出慈航，仙擢更無盡神光普照。雖有覆盆終解釋，此生
思擬向來生報。聊獻上陳情表。

浙江紅

辛丑十一日為先姑妣上之期，前一日率載
剡載初恭詣殯宮致祭。月之九日，長子載鈞由

南谷遺騎傳諭守護官員及厨役等初十日不
許舉火予到時已近黃昏深山中雖有村店因
時當新年便餅餌亦無買處有守靈老僕婦能
姬不平具菜羹果飯以進食嗚乎古人有云周
公與管蔡恨不茅三間誠所謂也遂填此闕以
記其事

胷雪衝寒崎嶇路馬蹄奔走望不盡遠山冠玉六花飛
湊碧瓦遙瞻心似剖殲官展拜澆杯酒哭慈親血淚染
麻衣斑斑迹故人意休辜負鄉間味甘消受費松柴
一甕餘糧半斗好客豈拘貧與富充飢莫論精和陋飯

王孫祖纓華根香達漂母

金縷曲

王子蘭公子壽同寄詞見譽譜此致謝用次來韻

今古原如此歎浮生飛花飄絮隨風已矣落溷沾茵無
定相最是孤臣孽子經患難何曾容易況是女身蕉薄
命愧樗材枉受虛名被思量起空揮涕古人才調誠難
比借冰絲孤鶯一操安排宮徵先世文章難繼緒不過
扶持培置且免個鶉衣粟米教子傳家惟以孝了今生
女嫁男婚耳承過譽感無已

滿庭芳

雨中過合芳園謁釣鄰主人

步入名園豁然開眼茂林修竹怡人一湖春水烟樹渺
芳津恰值絲絲疎雨板橋外山勢嶙峋通幽徑迴廊曲
折環帶草如茵錦堂人住處簾風硯水兒輩無塵吏
多少琴書逸座相親咳唾成珠成玉為善樂怡澹精神
汪洋論順時知命德也本乎仁

占春芳

戲咏瓶中柳枝杏花

紅杏豔綠楊最相與共扶春供向雲房深處業頭留住

芳辰一段好精神
小瓶兒清水無塵
怕教容易隨風
去飛過北鄰

憶仙姿

戲咏瓶中榆葉梅
壽丹

瓶裏春光如繡
榆葉梅花
穠茂妙色可人心
更有金丹
延壽微漏
微漏情把名兒相湊

高陽臺

前三月廿九紅雨軒送春
用有正味齊春盡日

韻

春到無言春歸似夢
迅如逝水流船
多愁多病羸軀
捱

過年年今年花事雖逢閏祝封姨更要相憐莫將他隨
粉飄香斷送如烟枝頭漸已成青子怪游蜂浪蝶逐
日常川何事飛花偏教先到愁邊傷春自弔埋香冢
胭脂淨土長眠五更頭風風雨雨老却啼鵲

惜餘春慢

閏三月三日邀雲林湘佩紅雨軒賞海棠座中
分咏即用有正味齋韻

垂柳藏鴉海棠迷蝶淺深深難說春雖逢閏生怕隨
春輕卸畫闌干外一夜東風怎禁撼損嬌姿嫩枝驚折
撲簾攏幾點飛花吹起滿庭紅雪為留取有限風光

深憐痛惜繡作舞衣羅袂柔枝細彈彷彿當年睡起那
番標格舊事休題且拚共倒芳罇落花時節恨春歸要
至紅稀綠密有誰留得

沁園春

題茂陵絃傳奇

孑然一身四海倦游多病多情正錦城春色都亭遊旅
江山歷歷花柳榮榮有女懷春文君新寡法曲當筵一
再行琴心挑託求凰有鳳臂裏人聽風流不避浮名
竟相就同諧百歲盟便當街滌器當釺賣酒曾襟灑落
詞賦縱橫大賺千金名傳千古封禪遺書孰與更回首

處勝琴臺日暮芳艸青青

滿庭芳

次筠隣主人咏牡丹原韻

翦到猗香清和天氣映空霖雨輕勻者般態度誰敢鬥
鮮新國色天香富貴瑤池種迥出凡塵雕闌護姚黃魏
紫深淺總宜人更誰相問訊綃窗掩日苔徑留春點
簾旌風軟花影清真不管楊花榆莢蒲端莊一段精神
凝粧處玉壺親貯詞客醉芳茵

前調

次筠鄰主人咏絮原韻

倦繡停鍼攤書小臥流鶯恰恰殷勤東風簾幙春老錢
花魂最是韶光難繫渺茫茫來去無痕無端底風前弱
絮也會自紛紛顛狂飛不定惱人情緒暗度朝昏惹
秋千紅索風月柴門零亂沾茵落溷無憑半勾起愁根
天涯路千團情雪飄舞過鄰園

江神子

浴佛日喜雨

阿香油壁碾輕車電光如掣金蛇一夜甘霖普濟萬千
家今歲麥秋知有望民之樂樂無涯新荷關雨聽鳴
蛙綠陰遮暗窗紗曉起鉤簾殘溜滴檐牙人向畫欄干

畔立羅衫薄受風斜

淒涼犯

題秋窗染翰圖

愁難寄託蕭條甚情絲怎繫離索美人去後餘香尚在
袖捎襟角單風最惡未必弄卿卿福薄憶當初修好連
娟腸斷舊標格不堪迴肯處霜隕秋荷釵分金雀姍
姍月底倚招來望中魂魄未了今生或能覓來生會著
散花人結習空時無所縛

南鄉子

端陽後一日四女仲文以玻璃小屏乞畫蘭花

並索題遂作此

節候過端陽風雨連朝作嫩涼
畫閣捲簾同笑語瓊漿蒲葉榴花泛玉觴
薄醉寫秋芳嬌女牽衣向阿娘
更要新詩題幾句微茫記出離騷一段香

青山相送迎

潘王杏莊壻車金之咱尔以塞上景園扇屬題

角聲悲雁行歸首宿雨風戰馬肥
檀盧傍水支塞雲飛暮烟炊野岸
平沙細柳垂秋山積翠微

惜秋華

題竹軒王孫祥林小照

萬里高空度西風盡出一行飛雁三徑菊花東籬露黃
開徧遙山澹染青螺愛野色行尋步緩消遣惜秋光好
把寒香偷翦不問秋深淺特白衣送酒倒翠罇花畔
消遙甚更晚帽垂簾疎懶王孫富貴風流況大隱旁人
爭羨舒眼任天涯日酣雲展

玲瓏四犯

自製鳳凰衣螢燈

腐草為螢曳幾處輝輝花底池畔拍手兒童爭撲素羅
紉扇徧又巧入疎簾暗度過鏡函書案點畫屏高下飛
徧北似柳花輕便練裳不為吟詩將慢飛來冷光成

片一九掛綺紗帷裏留待更深看最好夢乍迴時明滅
影殘燈分燄聽小窗微雨更不避風吹亂

山鬼謠

山樓聽雨有感

倚危闌半陰斜日野雲窗外飛起山樓乍晴西風冷襟
袖暗沾煙水雲際裏分不出濃青澹綠蒼茫耳空濛眼
底但雷掣金蛇雷驚幽谷塵世亦聞否黃昏後入夜
時鳴不已舊遊今昔難比年來多病身心懶獨坐翦燈
凭几愁難理慢付與青箋斑管從頭紀傷心已矣命聽
雨聽風惱人滋味愁可有涯淡

南柯子

中元由、金頂山迴南谷山中書所見

締綌生涼意，肩輿緩緩游。連林排葉綴枝頭，幾處背陰
離落掛牽牛。遠岫雲初歛，斜陽雨乍收。羊蹤樵徑細
尋求昨夜驟添溪，水遶村流。

比梅

清明前二日牆角白桃花為風雪損壞

比到梅花慙弱比到梨花輕薄先占早春開却也丰姿
綌綌吹落吹落怪煞雪風交作

蔞山溪

悲溪看捕魚作

垂楊枝外一片桃花水
臨水野人家好生涯
又魚活計疎籬草舍三五自成村
構魚市兒童戲也效叉魚技
飛花萬點亂捲東風起
曬網趁斜陽射金波落霞影裏
言斤論兩魚價細評量
同婦子謀生耳此外無餘事

訴衷情令

咏牆東海棠

欲開猶斂意融融
丰韻特嬌慵
攜荷春光多少生怕動
微風扶絳萼倚芳叢
粉牆東好花易落者些態度誰
適為容

心園春

落花

點點星星零零落落一片飛殘向東風影裏空勞蛺蝶
碧紗窗外遮沒闌干柳線難牽簾鉤難掛無賴封姨不
見情經行處怡紛紛紅雨輕拍香肩芳魂何處嫋嫋
待翦紙招來月下看認朦朧不準飄搖不定烟消雨化
丰韻難傳慣為花愁誰禁又落空對長條不忍攀從今
後刺繡苔庭院吹滿榆錢

惜春郎

送春

剝脂殘粉誰收拾枉累人愁泣關干十二繡階首徑春
恨如織幾度留春留不得擬痛飲今夕葦落花作個
青心也算憐春色

海棠春

自題畫海棠用秦少游韻

借來數朶花枝巧更不許蝶蜂知覺放下水晶簾相伴
爐烟裊何勞窗外流鶯報且看取風光占早留得四
時春豈在花多少

洞仙歌

集楚辭山鬼章字

有人窈窕表靈旗，雲路獨立幽篁被薜蘿。
蒼苔結不得，宜笑畫梅山阿。憺忘歸，采秀折蘭帶薜。
芳馨結不得，宜笑修容既見，慕兮又含睇。
石蔭萋萋，蔓蔓援木蕭蕭，疑然作夜鳴。飄雨恐險，磊車乘
悵離憂，徒遺我難留所思之處。

明月掉孤舟

題劉兒畫茅舍歸舟

縹緲長天山，影澹認前村。維舟收纜，樹繞
落燈火，幽窗明暗。半隨陂陀臨水，占掛涼蟾寒光如
鑒。西塞山邊烟霽雨，並消受風恬雲斂。

一剪梅

月夜獨酌

寂寞空庭月一方窗裏燈光黯外天光深盃獨酌耐微涼
詩盡枯腸酒滿愁腸交枝花影不成行繞下迴廊
又上東牆三更鼓過夜何長收拾匡牀炷好爐香

觀繡也

咏繡也梅

花樣式玲瓏攢簇處纖根如繡碧揉雲碎紅蒸霞淺畫
關西畔綵迷五色蕩搖清晝正是綠肥時候偏越越
粉凝脂溜可人姿致况開長久多情蛺蝶成團逐隊也
來飛湊

定風波

城東泛舟

侵曉城東泛畫橈。天光雲影碧迢迢。少長同游隨處好。
恰巧荷花生日是今朝。極目蒹葭浮兩岸。一片小樓
臨水。酒帘飄颻。曉微瀾。潏潏飛波。口更有亂蟬聲曳綠楊梢。

惜秋華

壬寅七月廿一重觀即中天游閣舊居有感

舊夢天將倚臂空。猶是當年樓閣。鱗戶綺窗蛛絲暗牽。
廉幙縱橫薜荔緣。階隨幽徑。兔葵燕麥。蕭索噪斜陽刺。
有營巢鳥雀。認取闌干角。亂蓬蒿掩處。綻海棠紅萼。

景如此人非昔向誰寄託不堪四載重來悵懷抱情傷
心惡難著對西風淚痕吹落

看花回

題湘佩妹梅林覓句小照

忽見橫枝近水開香逐風來惜花人在花深處倚綠筠
幾度徘徊前身明月是應伴寒梅冰作精神玉作胎
天付奇才怕教風信催春老點花枝妙句新裁暗香疎
影裏立盡蒼苔

瑤臺聚八仙

祝雲臺相國八十壽

霞幟雲幘瑤池詔丹雘銜出重霄壽添百祿遙見鶴舞
飄飄衫服斑衣呈壽竿芝田成園獻靈苗頌歌謠紀功
述德名重三朝娛老放懷山水擁商彝夏鼎紫綬金
貂選樓別墅清涼遠避塵囂東風又傳春信到嫩柳新
波廿四橋韶光好在老人行樂扶杖逍遙

暗香疎影

自題淡月疎梅

昏黃淡月浸水邊離下鵲衣瑩潔仙骨珊珊占斷小園
風景別認取朦朧影子姍雅處丰姿清絕恍又是水面
低窺窗外一枝臂羞與衆芳搖落孤高竟不與衆芳

半悅冷淡生涯冰玉精神耐到東風時節巡簷寫出羅
浮稿忍便共兒花輕折任橫斜素壁移燈印上半林香
雪

上昇花

自題畫紅梅

門掩空庭疎窗上移來月明如畫飛入暗香知有梅花
早見影兒相湊古歡自興幽人結臘隴處一枝低覆問
何事依依倦倚恁般清瘦欲畫偏難下手看絳萼瓊
英粉凝脂溜綺麗丰姿淡泊精神允稱百花居首想當
微雪輕烟候閒作箇胎禽厮守和許否巡簷試開笑口

庭院深深

杏莊壻屬題絡繹美人團扇

開到黃花秋老涼風吹過粧樓雲葉宮樣龍梳頭綺窗
無箇事曉日上簾鉤細檢瓜瓠葉葉愛曉絡繹聲幽
持來素手慢凝眸想因觀物化應不解悲秋

醉太平

四女仲文索題戲嬰圖

雕闌月明梅花韻清竹枝滿地縱橫聽兒童笑聲風
庭露庭誰家弟兄人間至樂真情兆多男戲嬰

醉春風

雨後過和鳴館主人留飲北窗外榴花一株高
過檐牙翠葉扶疎絳英爛漫予戲名曰一丈榴
歸來譜此

趨造高人館不避沉塗爛多情留客共盤餐
勸勸酒泛金盃菜香犀箸瓜陳玉盃雨過開庭
院風引輕羅扇主人含笑囁迴頭看看窗外新
栽榴花一丈綠陰遮滿

桃園憶故人

題紉蘭妹蘭風展卷小照

故人寄到蘭風卷快觀盡中人而七載丰姿微變不似

當初見 從新拭目從新看
轉覺愁添恨滿數字真情
寫徧託付南歸雁

惜黃花

題張孟緹夫人澹菊軒詩舍圖

秋容闌屋詩聲誰讀伴黃花
繞疎籬幾竿修竹插架祕
圖書憚覽堪游日好生活古
齊充腹 斗神靜澗墨華
芬馥聞孟緹善畫美伊人享全清
神彤管振琳瑯閣知名宿雅
稍簡紉蘭餐菊

多麗

題翁亦君女史羣芳再會圖

衆香國問誰管領羣芳展冰綃研朱滴粉安排疎密停
當借傳神散花妙手繁肥燕度幾許量舍露臨風拒霜
擎雨蕊宮仙子門新輝更看取霓旌霞葆掩映影蒼范
應不許天風吹損離合神光算前身司花是慣自然
結習難忘指霜毫慢渲細染花隨曉底散天香故向人
間流傳神品千年醴質好收藏有不足陸離交錯顛倒
費端詳端詳處花花葉葉皆是文章

王文枝

上元屏山生日過堪喜齋真生大司馬屬詠白
牡丹

天上人間月明銀夕
蕊遇蕊宮仙子
簾捲東風春滿座
衆裏誰能相比
霓裳金帶半拖烟霧
朦朧瑤池初下
應如是生怕夜寒料峭
微風斜倚天然素質
端方不須假借
澹粧翻稱容止
且留住仙裾
綢袂莫輕舉
來鸞飛起
恰宜在深深院裏
錦堂香煖
尚書第
素富貴
長春對花共醉
紅燈底

愁春未醒

夢題雕闌細草
圖醒記其末二句
足成此闕
雕闌細草碧
戶紅窗交蔭正
輕暖輕寒時候
簾幙沈沈
淡蕩微煙一天雲影
護芳林
幾番風信
十分雨意
釀出

花心恍惚舊遊依稀重到曲徑斜臨最堪笑披圖覓
句誰索閒吟夢乍迴時慢思量處查難尋誰家池館深
深庭院都是春陰

新雁過稚樓

雪夜聞雁

靜掩重門春寒重鴉樓又到黃昏亂飄瓊蕊堆滿瓦隴
牆根好共梨花爭素質欲同柳絮鬪輕魂舞翩翩小窗
浙瀝烏鵲驚喧有人攤書獨坐正爐添活火茶熟香
溫夜冷風淒東君鎖住春痕銅壺三傳漏水照孤影殘
燈一豆存更深也聽雁聲嘹唳飛過前軒

桃花水

浴鶯

東風細細柳絲絲
泥人春日遶微波
動碧參差暗水漲
新池獨自倚欄時
對連漪清流何事
最相宜浴鶯兒

風蝶令

春日游草橋過葉花營看竹

春水纔平岸
蛙聲已滿塘
蘋絲分綠快垂楊
幾處澣衣村婦
淡梳粧
看竹疎籬外
停車老樹旁
李花零落杏花香
一帶小桃花
底葉花黃

南鄉子

上巳前一日同屏山雲林雲姜游可園園為宗

室崇文別墅

郊外按鳴騶行過城西二里溝

地名

老樹長藤交映處臨

流隨約王孫別墅樓

花鴈曲通舟細水平隄綠更柔

閒到海棠春正好悠悠人在湖山重裏游

婦人嬌

題扇頭簪花美人

香裊金猊恰恰蘭衾夢醒貴花聲催人臨鏡牡丹開矣

正燕巢初定粧臺畔慢把玉容重整鬢影蟬輕眉痕

翠凝天作就愛花心性一枝斜插與烏雲相並添嬌媚

信手簪來偏稱

定風波

詠紫玉簪

秋雨浪浪溼碧苔
庭花無數雨中開
一種看來顏色好
裊裊渾疑仙子御風來
羽蓋似將雲影護
丰度羅衣
偏愛淡霞裁
應是玉妃微醉後
輕溜鬢邊卸
下紫鴛奴

燕山亭

清明後一日用稼書亭清明日飲杏花下韻
已過清明社燕初來
風信幾番吹透紅了杏花
白了梨花
綠遍池塘楊柳
恰恰嬌鶯
曉簾外新黃圓溜
依舊到

乍試春衣海棠時候
不是舊時人面奈多病多愁花
能知否鬢絲禪榻寂寞閒窗垂笑有花無酒意懶心慵
偏遇者因人長晝迴首春漸老花飛渡口

早春怨

春夜

楊柳風斜黃昏人靜
睡穩栖鴉短燭燒殘長更坐盡小
篆添些紅樓不閉窗紗被一縷春痕暗遮
溶溶院落月在梨花

菩薩蠻

次相佩韻

春陰乍合雲偏散
幽窗更覺愁人倦
辜負看花天
黃塵雜柳烟
三分春正好
弱絮粘芳草
難與小眉痕
相憐鏡裏人

海棠倦倚東風重
梨花共結同心夢
階下自徘徊
苔侵金縷屐
春光深幾許
共坐花前語
風動柳毵毵
花酣酒亦酣

金縷曲

題吳淑芳夫人霜柏慈筠圖

妙手傳神似畫圖
中雍雍肅肅端方容
止自是君身有
仙骨
福慧雙修如此堪
稱得婦眉才子
先世延陵道古

訓守詩書禮樂司中饋甘澹泊厭羅綺
虛堂把卷雙
葉倚對芳塘一泓澄碧輕陰滿地此際身心清涼甚兀
坐嗒然隱几數十載辛勤非易霜柏慙筠同苦節感仙
人降筆分明示傳仕話重鄉里

虞美人

雨中荅湘佩

秋來比似春時瘦空度如年畫
嚶嚶蟲語報西風早又
銀牀一葉落梧桐
經旬露雨難尋勝
積水連花徑苔
痕草色映羅襟
時有竹梢相觸似鳴琴

天游閣集

東海漁歌六

太清春著

醉花陰

咏蝶

淡綠輕紅春日暖
落瓣隨風捲
蝶陣趁飛花欲繡
翩翩抽盡春蠶繭
滕王舊稿情窗展
住住飛飛緩
花底作生涯
心醉羣芳生受東君管

醜奴兒

春日偶成

已過數雨春將暮
未見花開未見花開
辜負多情燕子

來 海棠憔悴東風老綠葉成陰綠葉成陰銀燭燒殘
無處尋

瑣窗寒

題冬閨刺繡圖

弱線初添瑣窗漸暖開門同繡明金壓線刺出一痕春
透慧心兒花樣細翻各人施展纖纖手意遲遲幾度停
針生怕作來肥瘦低首雙眉暗鬥正無語思量阿誰
輕逗香肩慢扣指點綠平紅繡踏春郊芳草落花緩步
不染星星垢舞迴風小立秋千試問誰能繫

憶人人

送屏山往杭州

留君不住送君不捨一片離愁難說雖云暫別亦相思
反不及交情淡薄 秋風秋雨長途珍重況是淒涼時
卸臨岐把袂問歸期莫戀着家山邱壑

鵲橋仙

初冬雲林邀同家霞仙龍爪槐看菊過陶然亭
望西山

故人邀我城南訪菊已過黃花時節更從何處問秋芳
見一路霜林殘葉 蒹葭閣下陶然亭外剩有寒蘆如
雪冷烟薄霧淡斜陽望不見西山重疊

早春怨

題恭清華夫人桐陰仕女圖

雲淨天空苔階露坐夜色溶溶一扇微涼一輪明月一
樹疎桐安排肥瘦纖穠費老手傳神特工紙上丰姿
畫中態度誰個真容

喝火令

戊申新秋望日偶成

殘暑留餘熱羅紈尚未捐露華庭院早秋天又到一年
今夕七見月團圓深草藏螢火涼蟬咽柳烟生憎蟲
語太纏綿惻然悽悽然攪人眠惻然幾重花影和月

到簾前

長相思

己酉正月廿四雪窗寄湘佩二首用獨木橋體
過新年賀新年馬齒空加又一年浮生能幾年
是今年
是明年試問君歸在
哪年愁人日似年
花開時雁來時草色遙看是此時同遊記舊時
憶君
時寄君時寫到相思兩字時傷心下筆時

浣溪沙

四時閨詞

楊柳綠牽春日遲
小樓人困落花時
枕痕自向鏡中覩

簾幙綠陰風蕩蕩。秋千紅索影垂垂。一聲輕脆轉黃鸝。

鵬

一局棋消夏日長。林間初放滿盆香。輕羅小扇引微涼。
花外斜陽蝶魄粉。簾前軟語燕窺梁。蘭湯浴罷晚梳粧。

粧

爽氣怡人秋日清。銀床落葉嫩涼生。閒邀女伴詠瓜燈。
灼灼流螢深院靜。纖纖新月一鉤明。蛛絲乞巧祀雙星。

星

六出花飛冬日寒。金爐撥火炷沉檀。一盃清茗啜龍團。
梅蕊通風香細細。竹梢壓雪葉攢攢。阿誰忍凍捲簾櫳。

看

賀新涼

雨中曉發南谷用蔣竹山韵

幾陣鷓鴣鳴了。聽瀟瀟雨聲不住。天光漸曉。料理行裝催
早發。多是崎嶇山道。況秋潦行人更少。夾路山花如堆
錦。載秋光不盡車箱小。丹砂顆綴酸棗。長空不肯陰
雲掃。蕩烟絲垂楊處處涼。蟬嘶老木。森披離高原上一
夜。西風吹倒漲溪水。孤村環抱。轉過雲崗。迴頭望認依
稀高嶺橫天杪。雲又起四山杳。

南柯子

九日城南看菊

問菊城南路秋光又一年
草橋風景尚依然正是黃花
時節碧雲天荒草迷幽徑
殘蘆被野田縹緲衰柳掛
寒烟遙指半規斜日隱山巔

滿江紅

九日屏山湘佩招遊憫忠寺

時節重陽喜良友相邀消遣向古寺驅車訪菊黃花不
見敗葉凋傷零落舞殘碑剩蝕摩挲看葬忠魂千古此
高臺憑人證如來法慈悲愿刹那頃韶光換憶舊遊
重到臨風自歎迴首竟成今昔感寬心且作嬉遊忤約

明年此會共登臨
知誰健

雲淡秋空

八月廿一屏山姊招看桂花

傍午忽傳良朋邀我
秋色同看金粟香飄
碧天雲淡直閣人間
邨厨珍品堆盤酌盃
酒紗窗曲欄蕉捲西
風衣添半臂共醉花
間

金風玉露相逢曲

謝湘佩寄并州剪

芭蕉敲雨梧桐墜露
又是新秋到了無心
寫景欲言情當不得
神魂顛倒蕭齋兀坐
愁懷難遣恰好故人
書

到并州快剪寄將來剪不斷相思縈繞

金縷曲

題行有恒堂詞集

樓月裁雲千好文章天衣無縫神針刺繡寫景言情無
不切一串驪珠穿就應不數豪蘇膩柳脫盡人間烟火
氣問前身金粟如來否餐妙句淳如酒神龍變化雲
出岫筆生花篇篇珠玉錦心繡口文彩風流誰得似明
月梅花為偶比修竹孤高清瘦豈止新詞驚人眼行有
恒事事存心厚三復讀味長久

畫屏秋色

屏山邀看菊

窗外天光暝素壁前添出幾重花影移座對花故燒高
燭花葉光瑩染襟袖香清短屏低護似更稱帶暗霜枝
上嫩看嫩碧嬌黃淡紅濃紫最是細玲瓏處淺深相映
枝梗斜斜整整門艷糝粉黛交還者般風景依依良
夜漏傳酒醒愧座客新詩未成空負紅燭冷壁上稿重
再省欲寫出丰神年來心緒不定且把秋容慢咏

鬢雲松令

題夢蘭夫人畫扇

乍長天清晝永風蕩簾鉤午夢人初醒纖手慢將雲鬢

整美目流波花底新粧靚
對芳菲心自省花靜人嬾
人與花相稱空谷一枝誰解贈譜入離騷添個幽蘭影

意難忘

哭雲林妹

十載思量幸蓮與北上重睹容光芳顏仍似玉雲鬢却
成霜相把袂語悲傷說離亂兵荒數年來驚驚恐恐無
限悵惶忽然病入膏肓是長途辛苦體不禁當君心
應自在我意竟難忘持素手斷柔腸問去者何方望魂
兮魂兮早降享我盃漿

減字木蘭花

春雨次韻

柳絲長短約住春陰人意懶
夜雨淒淒不許催歸杜宇啼
清明時候料峭輕寒偏迤逗
九十春光花信纔傳到海棠

菩薩蠻

擬古春閨次韻

小樓日倚闌干過惱人最是
風前燕望遠豁雙眸垂楊
滿陌頭 造愁無處著
翠被扣愁卧香篆
霽重簾春寒夢裏添

齊天樂

題孚齋王孫乘槎載妓圖

衆香國裏香風起，靈槎御風而下。天女腰肢，維摩眉宇，
聞是王孫自寫。欲何為也？有百八牟尼一函，般若不着。
纖塵屏除，一切更嫻雅。本來心在雲水，現官身說法。
恁般瀟灑，不染峰巒，不增泉石，一片青天光射。翠黛嬌
妩，豈謝傳東山管絃，遊冶載個人兒，散天花侍者。

踏莎行

冬夜聽歌

纖月裁雲，移宮換羽，歌喉怕惹嬌鶯妒。澹斟不問夜何
其三星早已當門戶。彩袖高揚，拓枝低舞，檀槽慢撚。

冰絃柱曲終明月送人歸小庑深院霏寒霧

滴滴金

四月廿九謝志郎蓮舫主人見惠鮮枇杷

初晴快雨垂簾坐忽朱郎領珍菓紫頭細細自開封是
枇杷此箇清芬滋味黃金顆慢奇攀莫教破不帶此
味已多年謝主人情我

南鄉子

咏瑞香

花氣靄芳芬翠幙重簾不染塵夢裡真香通鼻觀氤氲
不是娉婷倩女魂細蕊綴紛紛淡粉輕脂最可人懶

與凡葩爭艷治清新贏得嘉名自冠群

風光好

同治甲子元日戲題多兒圖

是年曾孫統純生

柳綿綿水涓涓嬉戲群兒小河灣舞雩天
誰家特染丹青筆多男子吉兆欣逢甲子年樂無邊

金樓曲

題俞絳裳女史慧福樓詩集

福慧雙修矣問芳齡二八年紀聰明如此一卷新詩出
示我美玉精金堪比真不愧詩書門第拈出卷中讀史
句豈尋常弄月吟風耳舊花格銀鈎字 瑤池仙子應如

是愛翩翩溫柔態度端莊容止恰有仙郎成伉儷一對
璧人更美堪稱得掃眉才子況又人言知孝道侍孀姑
膝下呈歡喜福與慧更誰似平反愛詩用日本紀二句
百戰空爭秦社稷九州林
是漢
山河

賀新涼

代人題竹深荷淨圖

荷淨竹深處愛修篁虛心直節紅蓮解舞應是碧天新
雨霽消盡人間煩暑一陣陣微風香度人與花可同潔
淨薄綃衣不許纖塵汗坐盤石對芳渚風流文彩堪
稱許畫圖中修眉隆準精神楚楚福慧雙修誰得似况

又寬容仁恕為善樂受天之祐此際身心清涼甚澹襟
懷瀟灑得佳趣應添入神仙譜

金鳳玉露相逢曲

丙寅中秋是日秋分

天光如水月光如鏡一片清輝皎潔吹來何處桂花香
恰今日平分秋色芭蕉葉老梧桐葉落老健春寒秋
熱須知光景不多時能幾見團圓佳節

金縷曲

送屏山妙扶樞旋里

豈是無情者送將歸家山安藝思：車馬此去長途須

保重仔細雨天風夜況已是暮年人也卅載交情如手足
悵離懷多少傷心話難把你車兒把牽衣執手偏
難捨時魚書總然數字也須親寫我本多愁若善病兩
地情牽意惹夢不到橫河宅舍却居杭城橫河梅硬著心腸真
個去此時情何日方能罷相思淚風前洒

西江月

秋日遊鮎魚關晚過栖霞道院四十年風景變
遷得不有感

鵝鵝灣頭秋水點魚關外西風索山峻嶺幾多重歸路
斜陽相送宛轉長城如帶崎嶇熱徑斜道栖霞道院

扣仙宮四十年來一夢

醉太平

辛未十二月初六日夜夢一麗人貌甚美時樣
宮妝坐磐石對月鼓琴聲音清粹指法圓活俟
其曲終予請其字即轉琴背有經寸金字圖章
一方篆華軒二字傍有小金字行書兩行月下
不甚了了指其圖章以示予曰即此也予叩其
所傳答以曹和尚俯笑曰非僧也因年老髮脫
故有和尚之稱言畢欲行再鼓忽被啼鳥驚覺
醒來譜此小令以記其事

風清月清鸞鳴鳳鳴誰家繡閣娉婷借冰絲寫情雲
聲水聲魚聽鶴聽惱人好夢偏驚是山靈化成時在南
谷霽雲峰
尋得夕陽小寺梅花初放屋阿一灣流水遶陂陀細路
斜通略約好夢留連怕醒偏教時刻無多登
山臨水樂如何好夢焉能長作

✓
西江月光緒二年午日夢遊夕陽寺